

Nalog supervizora kojim se donosi Zakon o izmjenama i dopunama Zakona o javnoj upravi Brčko Distrikta i kojim se rješava status Kancelarije koordinatora za Brčko Distrikt u Vijeću ministara Bosne i Hercegovine

U skladu sa ovlaštenjima koja su mi data stavovima 8, 10, 11, 13, 36 i 37 Konačne odluke, od 5. marta 1999. godine, Arbitražnog tribunala za spor oko međuentitetske linije razgraničenja u oblasti Brčkog ("Tribunal za Brčko");

Pozivajući se na nalog supervizora od 04.04.2006. godine kojim se imenuju članovi Kancelarije Brčko Distrikta u Vijeću ministara, član 50 Statuta Brčko Distrikta Bosne i Hercegovine (Službeni glasnik Brčko Distrikta Bosne i Hercegovine, br. 17/08) i član 33 Zakona o javnoj upravi Brčko Distrikta Bosne i Hercegovine (Službeni glasnik Brčko Distrikta Bosne i Hercegovine, br. 19/07 i 2/08);

Potsjećajući na moje pismo od 29.09.2008. godine u kojem sam tražio da se ponisti konkurs koji je objavljen nakon isteka mandata članova Kancelarije Brčko Distrikta u Vijeću ministara (u daljem tekstu «Kancelarija»), i putem kojeg sam im produžio mandat do 31.12.2008. godine;

Konstatujući da iskustvo stečeno u radu Kancelarije u protekle dvije godine ukazuje na to da bi Kancelarija imala koristi od nekih usklađivanja u njenoj strukturi i opisu poslova za članove Kancelarije i da bi djelotvornije vršila svoj mandat i zastupala interese Brčko Distrikta pred institucijama Bosne i Hercegovine;

Uviđajući potrebu da se zakonodavnim aktom definiju nadležnosti, odgovornosti i status Kancelarije kao sastavnog dijela javne uprave Brčko Distrikta kako je utvrđeno Statutom Brčko Distrikta;

Izražavajući posvećenost odgovornosti koja proizilazi iz Konačne odluke da osiguram saradnju Brčko Distrikta sa institucijama Bosne i Hercegovine i da institucije Brčko Distrikta funkcionišu efikasno i po svemu sudeći trajno;

Imajući u vidu potrebu za brzim rješavanjem statusa Kancelarije u situaciji u kojoj je mandat sadašnjih članova Kancelarije istekao skoro u usto vrijeme kada su održani lokalni izbori u Brčko Distriktu i da zakonodavne i izvršne institucije Brčko Distrikta još uvijek nisu uspostavljene;

Nakon što sam se konsultovao sa gradonačelnikom, zamjenikom gradonačelnika, predsjednikom Skupštine i zamjenikom predsjednika Skupštine i predstavnicima svih političkih stranaka koje su zastupljene u Skupštini Distrikta i nakon što sam dobio jednoglasnu podršku za predviđene izmjene i dopune i da se te izmjene i dopune donesu putem naloga supervizora;

Stoga sam odlučio da ovo pitanje rješim putem naloga supervizora što predstavlja najbrži i najprihvativiji način;

Stoga ovim putem nalažem sljedeće:

1. Zakon o izmjenama i dopunama Zakona o javnoj upravi Brčko Distrikta Bosne i Hercegovine (u daljem tekstu: Zakon), koji se nalazi u Aneksu ovog naloga supervizora, ovim putem se donosi kao zakon Brčko Distrikta i stupa na snagu danom donošenja ovog naloga supervizora.
2. Ovim nalogom i Zakonom koji se njime donosi ovim putem se stavljuju van snage Nalog supervizora kojim se imenuju članovi Kancelarije Brčko Distrikta u Vijeću ministara od 04.04.2006. godine i moje pismo od 29.09.2008. godine kojim je izvršena izmjena tog naloga, izuzev stava (5) izreke tog naloga koji ostaje na snazi.
3. Skupština Brčko Distrikta može naknadno izmijeniti Zakon koji se donosi putem stava (1) ovog naloga supervizora u skladu sa Statutom Brčko Distrikta Bosne i Hercegovine i Poslovnikom Skupštine Brčko Distrikta Bosne i Hercegovine.

4. Gradonačelnik Brčko Distrikta i/ili drugi zvaničnici i nadležna tijela će donijeti Organizacioni plan Kancelarije i objaviti konkurse za sva radna mjesta u Kancelariji najkasnije dvije sedmice od dana donošenja ovog naloga supervizora. Sadašnji članovi Kancelarije će obavljati svoje dužnosti u Kancelariji dok novi članovi ne budu imenovani na osnovu ovog naloga, zakona koji se njim donosi i drugim važećim propisima.

5. Ovaj nalog supervizora stupa na snagu odmah bez dalnjih proceduralnih radnji. Svi javni zvaničnici, državni službenici i namještenici će preduzeti sve neophodne mјere kako bi osigurali da ovaj nalog bude u potpunosti sproveden.

6. Zakon koji se ovim putem donosi i koji se kao prilog nalazi u Aneksu ovog naloga supervizora će bez odlaganja biti objavljen u Službenom glasniku Brčko Distrikta Bosne i Hercegovine na službenim jezicima Bosne i Hercegovine koji su mjerodavni za sve namjene.

7. Ovaj nalog supervizora će bez odlaganja biti objavljen u Službenom glasniku Brčko Distrikta Bosne i Hercegovine

8. Ovaj nalog supervizora se objavljuje na engleskom jeziku i službenim jezicima Bosne i Hercegovine. U slučaju bilo kakve nedosljednosti, verzija na engleskom jeziku je mjerodavna za sve namjene.

dr Raffi Gregorian

supervizor za Brčko Distrikt

prvi zamjenik visokog predstavnika

**Aneks naloga supervizora od 24.10. 2008. godine kojim se donosi Zakon o izmjenama i dopunama
Zakona o javnoj upravi Brčko Distrikta i kojim se rješava status Kancelarije koordinatora Brčko
Distrikta u**

Vijeću ministara Bosne i Hercegovine

Zakon i izmjenama i dopunama Zakona o javnoj upravi

Brčko Distrikta Bosne i Hercegovine